

Siunnersuut uunga: Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. xx, xx 2009-meersoq (Qimminik qimuttoqarfinnik killilersuineq, qimminik angalaannartunik taarsiiviginertaqanngitsumik toqutsisarneq, qimmininngaanniit ajoqusertissimanermik akisussaaffeqarneq kiisalu tuloriaajaanermut inerteqqut).

**Saqqummiussinermut allakkiaq
(Inuussutissarsiornermut Suliffeqarnermullu Naalackersuisoq)**

Siullermeenera

Qimmit qimuttut kiisalu qimmeqarneq qitsuuteqarnerlu pillugit allannguutissatut siunnersuutininik arlalinnik Naalackersuisut saqqummiussaqqarput. Inatsisaareersunik iluarsaassinertut erseqqissaanertullu siunnersuutit isigineqassapput, pissutigalugu kommunit aqqissuussaaqqinneriannut nutaamut atatillugu kommunit killeqarfii allanngorsimanerat, tulliatullu Inatsisartut Ombudsmandiata qimmit angalaannartut taarsiiviginertaqanngitsumik toquttarneri pillugit malittarisassap erseqqissaaviginissaa kissaatigisimammagu.

Kommuninut killeqarfiit nutaat isumaqqarput qimminik qimuttoqarfiit sumiiffigisaat kommunit killeqarfiit tunngavigalugit aalajangersorsinnaajunnaarnerannik. Taamaattumik imatut qimuttoqarfiit sumiiffigisaat nassuiarneqartalissasut Naalackersuisut siunnersuutigaa: Kitaata sineriaani Qaasuitsup Killeqarfiata avannaani, Kalaallit Nunaata Avannaani, Tunulu tamaat ammut Nunap Isua tikillugu allorniusap tukimukartup 44-p kangiani

Inatsisartut Ombudsmandiat isumaqqarpoq maannakkut inatsisaasuni taarsiiviginninnissamik akisussaaffeqanngitsumik toqutsisoqarsinnaasoq qimmit pineqartut saassussiniartutut periuseqqarpata, imaluunniit arlariuunermik nassatarisaannik piviusutut ulorianaateqarunik. Naalackersuisut taamatut isumaqqanngillat, taamaattumillu Inatsisartut inatsisaanni § 9, imm. 3-mi erseqqissumik allassimassasoq qimmit pitussimanngitsut allanut piviusumik ulorianartorsiortitsippata piginnittuusumut taarsiiviginninnissamik akisussaaffeqanngitsumik taamaallaat toqunneqarsinnaassasut.

Allannguutissatut siunnersuut kingulleq peerneqartussatut kissaatigisaraarput qimmit qimuttut tuloriaajartarnerannut tunngavoq. Marlunnik patsiseqarluta siunnersuutigaarput. Siulliuvoq qeritinneqanngitsumik tuloriaajaanerup nassatarisaannik qimmit pisariaqanngitsumik naalliutsinneqartarnerat, aappassaannillu inuk qimmimit kiineqarpat tuloriaajagaasumit tuloriaajagaanngitsumillu kiineqarneq assigiinngissuseqqarpianngillat.

Tassaapput Naalackersuisut oqaatigiumasaat. Kingunissaqarluartumik maani Inatsisartuni pineqartoq pillugu oqallilluarnissaq qilanaaraara. Qujanarsuaq.